

Protokolo de la 60-a senatkunsido (la 54-a post la oficialigo de AIS fare de la Konsilio de la XII, la 63-a post la fakta eklaboro) okazinta en Rimini (IT) dum SUS 30. Kunsidtempoj:

Dimanĉo, 2007-09-02, 10:00–12:30

Mardo, 2007-09-04, 21:15–23:30

Merkredo, 2007-09-05, 22:30–23:40

Ĵaŭdo, 2007-09-06, 21:50–24:00

1) *Formalaĵoj*. Dum ĉiuj kunsidoj ĉeestas senatanoj Fössmeier, Minnaja kaj Quednau kaj vicsenatano Pennacchietti. Parte ĉeestas ankaŭ senatano Wickström, vicsenatanoj Maitzen kaj Poláková kaj OProf. Lobin kaj La Torre kiel anoj de la Granda Senato. La senato estas kvoruma kaj decidas la tagordon evidentiĝantan el tiu ĉi protokolo. La kunsidon gvidas vicprezidanto Minnaja; la protokolon skribas sekretario Fössmeier.

Ekde la diskuto pri Acta Sanmarinensia ĉeestas OProf. Holdgrün.

2) *Ekzamenofico*. Dum SUS 30 la ekzamenofico havu jenajn nekonstantajn membrojn:

- Sekcio 1: EProf. Preradović
- Sekcio 2: OProf. Pennacchietti
- Sekcio 4: ADoc. Macko
- Sekcio 6: EProf. Lewanderska-Quednau

Sekcioj 3 kaj 5 estas reprezentataj nur per la konstantaj membroj, OProf. Minnaja kaj Maitzen.

3) *Landa agado de AIS*. OProf. Quednau raportas por la klerigofico, ke en Pollando ekzistas kontrakto kun la universitato „Kazimiro la Granda“ (Bydgoszcz) kaj kun privata universitato de prof. Sudol. Rezultoj de finaj ekzamenoj en Pollando estas por registrado sendataj al la politekniko de Białystok. Bezono je SUS tie en 2008 ne ekzistas.

En Slovakio la starigo de AIS-klerigejo en Komárno devis estis nuligita, ĉar la ministerio ne donis la necesan permeson. En Sibiu / Hermannstadt (RO) la kunlaboro kun universitato Lucian Blaga estas malhelpata de la konkurado pri studentoj.

EProf. Preradović proponis, ke en septembro 2008 okazu SUS en Banja Luka (BA). Li invitas krome al scienca konferenco en decembro 2007 (7–9). La Senato bonvenigas la inviton kaj instigas la anojn de AIS kontribui al la konferenco en Banja Luka.

Ankaŭ Karlovo (BG) invitas fari tie SUS-on en 2008. En Karlovo nun ekzistas 10 AIS-studentoj, sed ili ankoraŭ ne estas proksimaj al sia studfino.

Mag. Bebenina raportis al sia sekcikunsido pri forta intereso de rusaj studentoj pri scienca agado pere de Esperanto kaj proponis la instaladon de retaj forumoj, en kiuj studentoj povas kontakti AIS-profesorojn. La informofico bonvenigas tiun proponon, sed pro limigita laborforto ne povas promesi baldaŭan plenumon. Mag. Bebenina proponis, ke parton de la inform-ofica laboro povus kontraŭ salajro fari rusaj studentoj.

Ĉar LEUKAIS ne ricevis registaran instrupermeson en Slovakio kaj la universitato de Nitra ne plu flegas la registron de AIS-diplomitoj, AIS nun ne havas

bazon por agi en Slovakio. OProf. Poláková klopodas establi kontaktojn kun la universitato de s-taj Cirilo kaj Metodo en Trnava (SK) cele al starigo de nova registro.

La rilatoj al la registaro de San-Marino pliintensigis. OProf. Minnaja kaj Pennacchietti petu de San-Marino organizan helpon, ekzemple per mencio de SUS-oj en la programo de aranĝoj.

La Esperanto-Centro de San Giuliano (Rimini, IT), kiu gastigas SUS 30, invitas AIS ĉiujare aranĝi tie SUS-on. AIS ne povas akcepti, ĉar tio forprenus tro da laborforto necesa por alilokaj aranĝoj.

4) *Financa raporto*. OProf. Wickström prezentas la bilancon kaj la spezkalkulon por 2006. La senato unuanime aprobas la raporton. OProf. Wickström proponas, ke eksigojn de obstine ne pagantaj membroj oni prokrastu ĝis la komenco de 2008; la senato unuanime akceptas.

5) *SUS en 2008*. La senato decidas, ke en 2008 okazu prov-SUS en Banja Luka (BA), laŭeble en la semajno 2008-08-31/09-06. Plia SUS por 2008 nun ne estas planata.

6) *Venontaj kunsidoj*. Se montriĝos neceso, okazu senatkunsido en marto 2008 en Freising (DE).

7) *Propono al la ĜA*. La nova senato konsistu el 5 senatanoj (kaj 6 vicsenatanoj).

8) *Akademia Forumo*. OProf. Fössmeier gvidu la akademian forumon pri la temo „AIS kiel virtuala universitato“.

9) *Acta Sanmarinensia*. OProf. Holdgrün alportis ekzemplerojn de la lasta aperinta numero (markita kiel lasta numero de 2004). La aper-ritmo ankoraŭ ne estas rekaptita.

La Senato unuanime rekomendas al la Subtena Sektoro pagi la kostojn por sendi al siaj membroj tiun ĉi kajeron de Acta Sanmarinensia (OProf. Kiselman, „Distribucioj“).

La Senato sen kontraŭvoĉoj, kun unu sindeteno, rekomendas al la Subtena Sektoro pagi la kostojn por sendi al siaj membroj la sekvan kajeron de Acta Sanmarinensia (aŭtoro: OProf. Sachs).

La Senato per tri kontraŭ du voĉoj rekomendas al la Subtena Sektoro pagi la kostojn por sendi al siaj membroj maksimume kvin kajerojn de Acta Sanmarinensia, kiuj aperos ĝis la fino de 2007. De ĉiuj tiuj kajeroj AIS krome akiru 20 ekzemplerojn por vendo.

10) *Ceteraĵoj*. La senato rekomendas al la SUS-docentoj ampleksigi siajn SUS-kursojn al kombinita lekciaro (persona instruado kun virtuala, objektigita preparo).

OProf. Wickström proponas igi Honoran Senatanon Fausta Morganti kaj Bac. Marina Michelotti dumvivaj ISKanoj. Unuanime akceptita.

Rimini, 2007-09-08

C. Minnaja, kunsidestro

R. Fössmeier, protokolanto